



Nuna tamakkerlugu Aasianni inuussutissarsiornermik ilinniarfiliortoqassappat pittaaqutaanik ajoqutaanillu nassuiaammik UPA2023-imi saqqummiusseqqullugit Naalakkersuisut peqquneqarnissaannik Inatsisartut aalajangiiffingisassaatur siunnersuut. Naalakkersuisut nalunaarusiornerminni ilinniartitaanerup iluani inuussutissarsiornermik ilinniarfimmik nutaaliorfiusumik nutaamik sanasoqarnissaanut pisariaqartitsisoqarnera eqqarsaatigissavaat. (Inatsisartuni ilaasortaq Kristian Jeremiassen, Inuit Ataqatigiit)

Siullermeenera

Kristian Jeremiassen, Inuit Ataqatigiit Nuna tamakkerlugu Aasianni inuussutissarsiornermik ilinniarfiliortoqassappat aalajangiiffingisassatur siunnersuutaanut Naleqqamiit imaattumik oqaaseqaateqarumavugut.

Nunatsinni inuusuttorpassuit inuussutissarsiornermik ilinniagaqarusussinnaassatur Naleqqamiit qularutigingilarput. Ullutsinni inuusuttorpassuaqarpoq ilinniaqqikkusukkaluarlutik assassorsinnaanermik tunngavilimmik periarfissaqanngitsunik. Nalunngilarput naatsorsueqqissaartarfimmit kisitisaatigineqartoq inuusuttorpassuit 3000 missaanniittut atuarfimmit anigaangamik ilinniarfissaminnik ingerlaqqinneq ajortut. Taamaattumik una periarfissatur atorpeqarsinnaasutut isigaarput, nunatsinnimi ullutsinni assatur tamarmik atorfissaqartinneqarput pingaartumik assassorsinnaasumik tunngavilimmik ilinniarfiusinnaasut. Inuusuttorpassuit uniffingisartagaat assassorsinnaanermik tunngavilimmik ilinniarfissarsiorsinnaanerat aammalu praktikkerfissaannik ingerlariaqqiffissaannik pisariaqarluinnarpoq innersuunneqarsinnaanissaat ingerlariaqqiffissaannik, pisariaqartinneqaqaammi sulisinnaasut kikkut tamarmik ilinniaqqiffingisinnaasaannik tunngavississallugit.

Taamaattumik Naalakkersuisut misissuerusunerat siammasissumik tunngaviusumik ilinniartitaanermik pilersitsisinnaaneq, nunatsinni suliffeqarnermi pissusiusunut naleqquttumik siunnerfilersukkamillu iluatinnartutut assatur Naleqqamit isigaarput. Tunngaviusumik ilinniartitaaneq



misiligutitut aqqissuussamik suliamik ilinniarsimanngitsunut suliffeqartunut inuusuttuaqqanullu meeqqat atuarfianeersunut kiisalu inuusuttuaqqanut immikkut siunnerfiusunut sammitinneqarsinnaasumik oqariartuuteqarneq Naleqqamit tamakkiisumik tapersersorparput.

Naalackersuisut periarfissaqarnermik pisariaqartitsinermillu tunngaveqartumik siunnersuisoqatigiinnik aamma ataatsimiititaliamik sammisamat tunngatillugu inuussutissarsiutinut ilinniartitaanernut suliassaqarfimmi suliffeqarnermut inuussutissarsiutinillu ineriartortitsinermut atatillugu sulisussamik pilersitsisinnaanermut oqariartuutaat tamakkiisumik taperserussupparputtaaq uunga aalajangiiffigisassatut siunnersuummut tunngatillugu.

Aalajangiiffigisassatut siunnersuut Naalackersuisut allannguutissatut siunnersuutaat uunga aalajangiiffigisassatut siunnersuummut ilanngullugu taperserparput, taamaasillutalu ataatsimiititaliamut susassaqartumut suliaq ingerlateqqillutigu.